

## P r o t o c o l

|  |  |  |
|--|--|--|
| <i>Società da chatschaders Lischana:</i><br><b>Radunanza generala extraordinaria 2020</b>  |  | <i>Actuara:</i><br><b>Juliette Duschèn</b> |
| <i>Lö da sezzüda:</i><br><b>Restorant halla da glatsch Gurlaina</b>  | <i>Datum:</i><br><b>11.06.2021</b>                   | <i>Urari:</i><br><b>20.00</b>              |
| <i>Partecipants:</i><br><b>Società da chatschaders Lischana</b>  | <i>Scumpart:</i><br><b>a tuots cul prossem invid</b> |  |
| S-chüsats: Thierry Dieterle, Christian Mutschler, Fadri Gritti, Flurin Filli, Jachen Bischoff, Gian Reto Demonti, Gian Reto Alini, Zannier Carlo, Zannier Enzo, Enrico Dorta, Claudio Dorta, Christian Cantieni, Bischoff Johannes, Florinett Roman  |  |  |
| <i>Tractandas:</i><br><ol style="list-style-type: none"> <li>1. Salüds ed elecziun dals scrutinaduors</li> <li>2. Approvaziun dal protocol da l'ultima radunanza</li> <li>3. Rendaquint da la chascha e rapport dals revisurs</li> <li>4. Contribuziuns annualas</li> <li>5. Preventiv 2021 e preventiv dal di d'aventüra</li> <li>6. Orientaziun dal di d'aventüra dals 14 avuost 2021</li> <li>7. Finanziaziun e cumbat da l'iniziativa per üna chatscha natürala ed etica</li> <li>8. Elecziun d'ün nouv derschader</li> <li>9. Mutaziuns ed onurificaziuns</li> <li>10. Program da l'on 2021</li> <li>11. Varia</li> </ol> |  |  |

**1. Salüds ed elecziun dals scrutinaduors**

Mario il president salüda a tuots preschaints a quista radunanza generala extraordinaria davo tuot il trubel da corona. Ün salüd spezial va a nos commember d'onur Matthias Merz ed als guargiasulvaschinas Curdin Florineth ed a Not Pua.

L'invid per quista radunanza generala es gnü tramiss a temp ütil ed es quattras valabla e competenta da trar decisiuns. MD dumonda schi dà remarchas o giavüschs a regard las tractandas. Sco prüma less il president güsta surdar il premi ambulat per la chatscha da spettar. Quel va, sco füss quai oter, a Matthias Merz chi ha schluppettä d'ürant la chatscha passada 13 vuolps, 3 guiss ed ün tass.

Sco scrutinaduor vain elet Armon Parolini

**2. Approvaziun dal protocol da la radunanza d'utuon dals 21 avuost 2020**

Il protocol da la radunanza d'utuon es gnü protramiss cul invid da quista radunanza. I nu vegnan fattas ingünas remarchas. Il protocol vain fat bun unanim.

Grazcha fich a l'actuara Juliette Duschèn pel scriver il protocol.

### **3. Rendaquint da la chascha pel 2020 e rapport dals revisurs**

La chaschiera, Dora Filli, dà ün per spiegaziuns a regard il rendaquint ed il bilantsch. Il 2020 ha la Lischana pudü far ün guadogn da CHF 1'026.53 uschè cha'l chapital da la società s'amunta sün CHF 24'324.07.

Ils revisurs chattan la chascha da la società manada in ün fich bun uorden e fan la proposta da far bun il rendaquint e da dar dis-charg a la chaschiera ed a la suprastanza.

La radunanza fa bun il rendaquint unanimamaing.

### **4. Contribuziuns annualas.**

La suprastanza fa la proposta da laschar las cuntribuziuns annualas sco fin qua.

1. Quai vuol dir: Commember A: 130.-, A liber: 70.-, B: 55.-, C: 70.-.

Quista proposta dess valair scha la radunanza fa bun la proposta da la suprastanza i'l tractacum 7 da quista radunanza. Otramaing füssa da revgnir amo ün vouta sün la decisiun in tractadum 4 e dozzar la contribuziun per commembers A per CHF 10.00

La radunanza conferma la proposta da la suprastanza per contribuziun annuala sainza cuntervusch.

### **5. Preventiv 2021 e preventiv pel di d'aventüra**

Il preventiv es gnü protramiss cun l'invid. Il preventiv ordinari pel 2021 nu fa quint cun ingün guadogn.

Il preventiv vain fat bun unanim.

Il preventiv pel di d'aventüra vain suotamiss a la radunanza il tractadum 6 davo avair orientà sur dal program pervis per quist di.

### **6. Orientaziun dal di d'aventüra dals 14 avuost in S-charl**

MD orientescha chi's ha stuvü redüer o melder dit optimar il program a favur da la qualità da quist di. Id es previs dad ir cun üna gruppa, suot la bachelta da Curdin Florineth, sül mot Tavrü per verer sulvaschina. La seguonda gruppa, suot la bachelta da nos derschader e da Fabian Grond, fan lavurs da custodi süls Chomps e lavur per promover la biodiversità. Lura daja amo la terza gruppa suot la bachelta d'Angelika Abderhalden e Diego Dell'Andrino, ingio cha spordschain a famiglias, uffants e giuvenils ün parcuors d'aventüra da god e sulvaschina. Intuorn mezdi pudaina, grazcha il ingaschamaint da Juliette Duschèn e dad Andrea Florineth e grazcha las sportas grondiusas da noss bachers Hatecke e Zanetti da la Calanda, Rivella e Coca Cola, üna marena gratuita per tuot ils partecipants.

Il comitè d'organisaziun ha gnü fin uossa duos sezzüdas in chosa e sun plainamaing vi da l'organisaziun per pudair offrir ün di inschmanchabel. Tuot quist vain organisà da nossa società e perquai eschan eir dependets d'agüdonts. No fain quint cha dovrain tuot in tuot ca. 20 commembers chi güdan. Annunzchas piglian la suprastanza gugent incunter, eir fingià quista saira.

Il preventiv pel di d'aventüra prevezza ün pitschen s-chavd, quia as esa pero amo in tschercha da ün o l'oter sponsur o donatur per equalisar oura il quint da quist di d'aventüra. In mincha cas as lessa guardar da pudair spordscher quist di als partecipants sainza cuosts. Matthias Merz fa la porposta da dumandar al museum da S-charl schi's pudess douvrrar lur tualettas per spargnar da fittar tualettas moviblas. Il president surpiglia da trattar culs respunsabels dal museum. Declera pero cha scha vain success cun quist di ed i s'annunzcha diversas personas per tour part, schi chi nu basta be cun üna tualetta.

Il preventiv vain uschè fat bun.

## 7. Finanzaziun e cumbat da l'iniziativa per üna chatscha natürala ed etica

Tenor la votumaziun a man da la delegiada dal BKPJV, chi ha gnü lö be virtual, ha nossa società deciss unanim da sustgnair finanziarmaing il cumbat cun ün import da CHF 10.00 pro commember A. La Lischana ha 118 commembers A uschè cha vain da pajar aint ün import da CHF 1180.00 per quist cumbat. Causa cha no vain pudü spagnar ils cuosts quist on da la tschaina da la generala ed eir ils cuosts dal tir da chatscha chi nun ha gnü lö, fa la suprastanza la proposta da sustgnair il cumbat da quist'iniziativa fich privlusa per l'avegnir da nossa chatscha Grischuna cul import maximal da CHF 1'500.00.

Scha inchün less amo infuormaziuns detagliadas a regard l'iniziativa sta il president o eir Flurin Fülligugent a disposiziun. In mincha cas speraina cha tuot ils chatschaders cun confamigliars van als 13 gün a vuschar e chi detta lura ün schlass NA cunter quista iniziativa.

Sün votum da Matthias Merz, vuscha la radunanza gio unanim da pajar be ils Fr. 10.00 pro commember A, invezza dals Fr. 1'500.00 per la finanziaziun dal cumbat da l'iniziativa per üna chatscha natürala ed etica.

## 8. Elecziun d'ün nouv derschader

Andrea Lorenzetti, chi'd es daspö il 2016 derschader, ha dat sia demischiun. El es pero amo pront da sustgnair la suprastanza fin davo il di d'aventüra. In mincha cas laina ingrazchar ad Andrea per sia lavur prestada ed il president surdà ün pitschen preschaint d'ingrazchamaint.

Davo cuorta tschercha vaina chattà a Tiziano Castellani chi'd es pront da surtour la lavur da derschader. El es eir fingià integrà in la preparaziun ed organisaziun pel di d'aventüra. MD dumonda schi dà amo oters candidats per quist lavur, otramaing pudessan vuschar per Tiziano cun ün applaus.

Il president bivgnainta a Tiziano i'l ravuogl da la suprastanza e s'allegra sün üna lavur constructiva ils prossems ons.

La radunanza vuscha a Tiziano sco nouv derschader cun ün grond applaus.

## 9. Mutaziuns ed onurificaziuns

I fa grond plaschair cha pudain in quista radunanza tour sü 3 commember A novs e 9 candidats da chatscha sco commembers C. Quai sun sco commember A

Gian Marco Castellazzi  
Silvano Stecher  
Gian Luca Stecher

### Sco comember C (candidats)

|           |                    |                      |      |           |
|-----------|--------------------|----------------------|------|-----------|
| Buschor   | Flurina Felicitas  | Wihaldenstrasse 32B  | 8608 | Bubikon   |
| Eugster   | Hanspeter          | Lukasstrasse 58      | 9016 | St.Gallen |
| Famos     | Tobias Andri       | Schachenweg 15       | 8610 | Uster     |
| Fasani    | Sandro             | Via da Trü 487       | 7550 | Scuol     |
| Gumpold   | Rafael             | Porta 16A            | 7550 | Scuol     |
| Renz      | Giorgio Alessandro | Via da l'ospidal 290 | 7550 | Scuol     |
| Schlatter | Jan                | Dualatsch134         | 7550 | Scuol     |
| Schlatter | Simon              | Sotcha dadora 231D   | 7550 | Scuol     |
| Schmidt   | Pascal             | Porta 6              | 7550 | Scuol     |
| Stecher   | Domenic            | Bagnera 163          | 7550 | Scuol     |

Lura vaina amo sortidas, e quai da Jean Jaques Mayor, el d'eira daspö blers ons commember passiv da nossa società e Peter Brem ha müdà, causa ch'el nu prevezza plü dad ir a chatscha, da commember A sün commember passiv. Implü es eir amo sorti Roland Vöggtli our da la società pero sainza dar cuntschaint motivs...

Cun grond gust pudaina onurifichar als seguaints commembers cun la medaglia da veteran:

Toni Mall el vain güsta eir amo commember liber  
Fadri Müller

Causa cha tuots duos commembers nu sun preschaints a la radunanza, prevezza il president da surdar las medaglias il rom privat o lura pro üna prosma radunanza.

## 10. Program da l'on 2021

Il program da l'on pel 2021 es gnü tramiss cul quint annual ed es eir publichà sün nossa pagina d'internet [www.chatscha.ch](http://www.chatscha.ch)

Quia pero las datas plü importantas:

|                       |            |
|-----------------------|------------|
| Tir da chatscha       | 24.07.2021 |
| Di d'aventüra S-charl | 14.08.2021 |
| Radunanza d'utuon     | 20.08.2021 |
| Sairada da refarat    | 29.10.2021 |
| Radunanza generala    | 08.01.2022 |

## 11. Varia

Sco orientaziun, il president ha scrit a la suprastanza dad Urezzas cul giavüschi da's partecipar vi dals cuosts per refar la via chi maina giò pro la leivra. Tenor infuormaziun dal president Marcus Bonarand nun es quista dumonda amo gnüda trattada. Quai chi's tratta l'implant da tir sün schaubgia movibla as esa pel mumaint a sclerir co chi's pudess finazchar quist implant.

La ledscha d'indriz da chatscha chi ha dat fin uossa biler da discutir, es gnü tradüt in rumantsch e vain lura prosmamaing trattà il cussagl cumünal da Scuol. Davo esa previs d'infuormar a tuot ils chatschaders dal cumün e lura deciss che chi sun il prossems pass. I dà üna cuorta discussiun a regard quista ledscha previssa. Pero tuots sun daperüna da spettar gio las prosmas infuormaziuns davart dal cumün.

Implü infuormescha il president cha no vain in nossa società ün commember chi ha cuntrafat massivamaing a l'artichel 6 da nos statuts. Quist commember ha imnatschà ad ün oter commember da til ferir tenor eir mortal ed eir cuntrafat in plüs cas, e quai intenziunà e provochà, a la ledscha da chatscha. Tuot quists cas sun fich deficils per l'aspet da nossa società ed eir per tuots chatschaders. Manüdamain vegnan attachats divers commembers da la suprastanza cun SMS ed e-mails. In ün e-mail ha el declarà al president ch'el nu vuless plü ingünas infuormaziuns davart da la società e ch'el nun es insoma na perinlet cul agir e lavur dal president. Sün quai ha il president strichà a quist commember, sco giavüschi, our da la glista d'infuormaziun per e-mail ed eir our dal Whatsapp da la società e respus chi sta liber a minchün chi nun es d'accord cun la società da sortir da quista. Quist sco infuormaziun per tuots commembers.

Il president serra la radunanza a las 21.00 ed ingrazcha a tuots per la preschentscha.

**L'actuara, Juliette Duschèn**